



Коринфдегилеге язылган экинчи кагъыз

Павелни Коринфдеги жыйынга язган биринчи кагъызы ондагы бары да масфалаланы чечмеге болмаган. Шо кагъызыны пайдалы таъсири болса да, жыйынны ортакчыларына дагы да кеп затны англамагга тарык болган. Шо саялы да Павелге Коринфдегилеге экинчи кагъызын язмага тюшген. Кагъыздан гөрюнюп турагганы йимик, ондагылар Павелни савгатына, ону элчилик абуруна бакъган якъда токъташып битмеген болган. Коринфде элчилербиз деп де айтып юрюйген адамлар арагга чыгып, озлени арив сөйлеп билегенлиги булан жыйынны бир-бир ортакчыларын артына салмагга бажарган. Жыйындагылагга буварыв эте туруп, Павел олагга ялган элчилени макътанчык сөйлөвлери булан иштагланмайлы, Исаны ва иманны гакъында айтагган бары да затны тергеп юрюмеге чакъырыв эте.

Коринфдегилер озюн англап битмегени саялы Павел нечик кыйнала болганын бу кагъыз ачыкдан гөрсетип тура. Шо бир вакътини ичинде элчи жыйындагыланы ортакчылары биринчи кагъызында озлеге этилген бир-бир таклифлеге тынглагганына да сююне. Коринфдегилеге озюню яшавлукъ сынавун мисалгга алып сөйлей туруп, Павел ггар кыйсы авур ишлени де яхшылыккга айландырып кьоймагга болагган Аллагганы рагъмусун оланы эси-не сала.

Башлаггы саламлар

1 ¹ Аллагг буюруп, Иса Месиггни элчиси болган мен Павелден ва иман кьардашыбыз Тимофейден Исагга иман салгганланы Коринфдеги жыйынына ва Аллаггны Аггая вилаяттаггы бары да халккына салам! ² Атабыз Аллаггдан ва Раббиз Иса Месиггден сизге рагму ва паракатлыкк болсун!

Аллагг этген маслагат

³ Раббиз Иса Месиггни Аллаггына ва Атасына макътавлар болсун! Аллагг рагмуну Атасыдыр ва маслагатчыдыр. ⁴ Кыйгысы булангыла-гга биз маслагат этип болсун деп, бары пашманлыкларыбызда Аллагг бизге маслагат эте. Аллагг бизге берген маслагат этив булан биз олагга да маслагат этип болабыз. ⁵ Бизге, гергилей де, Месигг чеккен азапларда нечаккы ортакчылыкк этмеге тюше буса, Аллагг да Месиггден таба шончаккы бизге маслагат этип тура. ⁶ Яшавда биз кыйынлыклар гөре бусакк, шо сизге маслагат этилсин учун ва сиз кьутггарылсын учун. Эгер Аллагг бизге маслагат эте буса, шо да сизге маслагат этмек учун, неге тююл де бизге башдан гечирме тюшеген кыйынлыкканы сизге де чыдамлы кюйде башдан гечирмеге шо кемеке этежек. ⁷ Бизин сизге бакъган якъдагы умутубуз буса бек: сизин булан бирче ортакк азап чегивле-рибизден кыйры, ортакк маслагатыбыз да барны биз билебиз.

⁸ Кьардашларым, Асияда бизин башыбыздан гетген кыйынлыкканы сиз де билгенигизни сюебиз. Онда о даражада кыйын эди чи, биз ггатта сав кьаларбыз деп де умут этмей эдик. ⁹ Бизге олюм дуван этилген йимик гөрюне эди. Амма шолай биз озюбюзге аркка таяп болсун учун тююл, озлюлени тирилтеген Аллаггга аркка таяп болсун учун болду. ¹⁰⁻¹¹ О эди бизин кьоркюнчу озлюмден кьутггарган. Энниден сонг да кьутггаражакк Огур! Аллагг бизин бирдагы да кьутггаражакк деп, Ону булан умутубузну байлайбыз, неге тююл де этеген дуаларыггыз булан сиз де бизге кемеке этесиз. Шо заман бизин учун кеп санавда этилген дуалагга жавап ггисаптаггы Аллаггны рагъмусу саялы кеплер Оггар шюкюр этежек.

Павелни хыялларындагы алмашынылар

¹² Биз не зат булан оьктем болабыз? Айроккда сизге бакъган якъда бу дюньяда озюбюзню Аллаггдан гелеген ачыккыкк ва гакк юреклик булан тутагганлыккда намусубуз бизге юк болуп токктай. Биз инсан гаккылына тююл, Аллаггны рагъмусуна аркка таяйбыз. ¹³⁻¹⁴ Биз сизге охуп англап болмас йимик бир зат да язмайбыз. Энни аз-маз анла-гганыггыз йимик, сиз бизин толу кюйде де анлар деп умут этемен. Шо заман Раббиз Исаны кыйтып гележек гюнюнде биз сизин бу-лан не даражада оьктем болажакк бусакк, сиз де шо даражада бизин булан оьктем болажакксыз.

¹⁵ Муна шо саялы шоггар инанагган ггалымда, сиз эки кьабат пайда алсын деп, мен башлап сизин яныггызгга гелме токкташдым. ¹⁶ Маке-дониягга барагган елумда сизин яныггызгга гелме кьастым бар эди. Сонг, кыйтыгда, сиз мени Ягудеягга сапаргга ггазирлеп болсун учун,

яныгызгъа гелме сюе эдим. ¹⁷ Мен шолай иш гёреген заманда, шону сай гъакъыллылыгъымдан этдимми дагъы? Яда мен хыялларымны бу дюньягъа хас болагъан кюйде бир вакътини ичинде «дюор, дюор» ва «тюююл, тюююл» деп айтагъанда йимик ойлашып къарайман деп эсигизге гелеми? ¹⁸ Амма Аллагъ аминдир ва О — бир вакътини ичинде биз сизге «дюор» ва «тюююл» деп бир заманда да айтмажагъыбызгъа шагъат. ¹⁹ Мен, Сила ва Тимофей сизин арагъызда билдирип тургъан Аллагъны Уланы Иса Месигъге бакъгъан якъда гъеч бир мекенсизлик ёкъ. Месигъде янгыз «дюор» деген зат бар. ²⁰ Аллагъ нече керен сёз берсе де, Озью Месигъ — бары затгъа «дюор» деген жавап! Муна шо саялыгъа биз Месигъден таба Аллагъны макътавлугъу учун «Амин!» деп кычырабыз. ²¹ Бизин де, сизин де Месигъ булан бирликде беклешдиреген О — Аллагъ. Бизин танглагъан да О. ²² Биз Озьююки экенни гёрсетмек учун, Аллагъ бизин мюгьюрю булан белгиледи, юкчю гысапда юреклерибизге Ругъун салды.

²³ Мен Коринфге гъали болгъунча гелмегеним янгыз сизин кыызгъангъаным саялы. Шогъар шагъатлыкъгъа мен Аллагъны чакъыраман ва жаным булан ант этемен. ²⁴ Биз сизин иманыгъызгъа башчылыкъ этип турмайбыз чы. Иманыгъызда сиз къатты кюйде токътагъаныгъызны биз билебиз. Янгыз къуванчыгъыз учун биз сизин булан бирче загъмат тегебиз.

2 ¹ Шо саялы да мен сизин яныгызгъа дагъы гелип, дерт гелтирип турмайым деп токъташдым. ² Неге тюююл де, эгер де мен сизге дерт гелтирсем, шо заман мен озъюн пашман этген адамдан къайры, мени ким сююндюрежек? ³ Къайтып гелгенде, мени сююндюрме тарыкълар мени пашман этмесин деп, мен де о гъакъда яздым. Неге тюююл де, мен сююнежек болсам, сиз де барыгъыз да сююнежегизге инанаман. ⁴ О гъакъда мен сизге толу юрегимни салып, къайгъыдан, дертден толуп, гёзьяшларым агъыла туруп яздым. Сизин дертге салмакъ учун тюююл, мени сизге бакъгъан якъдагъы сюююмню зорлугъун сиз билсин деп яздым.

Гюнагълыны гечив

⁵ Эгер де ким буса да бирев мени кепимни бузду буса да, о меникин тюююл, аз-маз буса да (къопдуруп айтма чы сюймеймен!) сизин барыгъызны да кепин бузду. ⁶ Огъар чы о озъю сизин кёплеригизден гёрген такъсыр да таманлыкъ этежек эди. ⁷ Гъали буса, о адам къайгъыгъа батып юрюмесин учун, ондан гечип къоюгъуз ва ону гёнгюн алыгъыз. ⁸ Ялбарып тилеймен сизге: огъар бакъгъан якъда сюююгюзню гёрсетигиз. ⁹ Сиз бары да затларда тынглавлу болурмусуз — мен сизге шону сынап къарамакъ учун яздым. ¹⁰⁻¹¹ Гъали сиз кимден гече бусагъыз, мен де шондан гечемен. Мен гечген затны чы (эгер де

гертиден де магъа гечме зат бар буса), бизин Иблисте алдатма къой-масын учун, Месигъни алдында сизин хаширигизден гечдим. Иблисни мурадын буса биз яхшы билебиз.

Сююнч Хабарны уьст гелию учун Аллагъгъа шюкюрлюк этив

¹² Месигъни гъакъындагъы Сююнч Хабарны билдирмек учун, мен Троадагъа гелген заманда, магъа Раббизини иши учун ёл ачылды.

¹³ Амма шонда иман къардашым Титни тапмагъаным саялы, юрегим рагъатлыкъ тапмады. Шогъар гёре, мен олар булан савболлашып, Македониягъа бармагъа деп ёлгъа тюшдюм.

¹⁴ Амма Аллагъыбызгъа шюкюрлюк болсун! О гъар заманда да бизин Месигъ булан бирликде уьстюнюлюкге багъып алып юрюю. Месигъни гъакъындагъы билимни Аллагъ бизден таба бары да ерде арив ийисли зат йимик арагъа чыгъара. ¹⁵ Неге тюююл де, къутгъарылывну ёлундагъылан ва олюмню ёлундагъылан арасында биз Аллагъыбызгъа Месигъ къурбан этеген арив ийисли затгъа ошайбыз. ¹⁶ Олюмню ёлундагъылары учун биз олюмню ийисибиз, къутгъарылывну ёлундагъылары учун яшавну ийисибиз. Шолай болмагъа дагъы ким бажарып болур? ¹⁷ Бир кёплер йимик, биз Аллагъны каламын озъююзню пайдабыз учун билдирип айланмайбыз чы. Биз Аллагъ йиберген адамлар гысапда, Месигъ булан бирликде Ону алдында гъакъ герти затны сёйлейбиз.

Янгы разилешивню къуллукъчулары

3 ¹ Биз дагъы да озъююзню озъююз яхшы янындан танытмагъа сама къарамайбызмы? Бизин де, башгъаланы йимик — сизге болсун яда сизден болсун — ким экенибизни танытагъан кагъызлагъа къарагъан ерибиз бармы дагъы? ² Сиз бизин юреклерибизде язылгъан, бютюн инсанлар танийгъан ва охуйгъан кагъызыбызсыз! ³ Сиз Месигъни кагъызы экенигиз бары халкъгъа гёрюнюп тура, о кагъыз бизин къуллукъ этивююзню яхшылыгъындан язылгъан. Шакъы булан да тюююл, герти Аллагъыбызны Ругъу булан. Ташгъа къазылып язылгъан Къанунну язывлары булан да тюююл, адамланы юреклеринде язылгъан язывлар булан.

⁴ Шону биз Аллагъны алдында Месигъден таба инамлыкъ булан токъташдырмагъа болабыз. ⁵ Не буса да бир затны озъююзнюки деп гысаплап болагъаныбыз саялы да тюююл, бизин не затгъа буса да бир затгъа бажарывлугъубуз бар саялы. Ёкъ, бизин бажарывлугъубуз Аллагъдандыр. ⁶ О бизин язылгъан Къанунгъа тюююл, Ругъгъа асалангъан янгы разилешивню къуллукъчулары болма бажарывлу этди. Язылгъан Къанун оьлтюрер, Аллагъны Ругъу буса яшав берер.

⁷⁻⁸ Сёзлери ташгъа къазылып язылгъан Къанун макътавлукъда берилген эди. Шо вакътиде исрайыллылар Мусаны нюрленген бетине къарап

болмай эди. Мусаны бетини нюрленгени буса заманлык зат эди. Оylum гелтиреген Къанунгъа гёре къуллукъ этив шолай макътавлукъгъа къюрчюленген буса, Аллагъны Ругъуна гёре къуллукъ этив дагъы да артыкъ макътавлу болмай болармы дагъы? ⁹Эгер де такъсырлавгъа элтеген Мусаны Къанунуна къуллукъ этив макътавлукъ булан шавлаланып къалгъан буса, Аллагъны ягъындан къабул этивге элтеген къуллукъ этивню макътавлары нече керенлер артыкъ болар экен дагъы? ¹⁰Шо заман макътав булан къуршалгъан зат гъалиги макътавлукъ булан тенглешидилмеге бажарылмай. ¹¹Заманлыкъ макътав шолай уллу болгъан сонг, даимлик макътав нечик уллу болма герек!

¹²Шолай умутубуз бар экенибиз саялы да, биз ачыкъдан ва тартынмай сёйлейбиз. ¹³Сёнюп барагъан шо шавлагъа исрайыллылар къарамасын деп, бетин перде булан яшыргъан Муса йимик де туюлюбюз. ¹⁴Оланы гъакъылы да тунукълашгъан эди. Мусаны Къанунун охуйгъанда, шо перде гъалиге ерли де яшырылып тура. Шо пердени янгыз Месигъе бакъгъан якъдагъы имандан таба тайдырмагъа бола. ¹⁵Бугюнге ерли де Мусаны Къануну охулагъанда, ягъудилени юректери перде ябулгъанда йимик яшырылгъан. ¹⁶Амма инсан Раббизге бакъгъанда, шо перде тая. ¹⁷Шо Раббиз Ругъдур, Раббизни Ругъу бар ерде эркинлик де бар! ¹⁸Биз буса барыбыз да, бетлерибизни перде булан япмайлы, Раббизни макътавлугъуну шавласын гюзгюде йимик гёребиз ва Оюзюне ошай туруп ва ярыкъ макътавлукъ булан бирден-бир шавлалана туруп тюрленебиз. Шону Раббизни Ругъу эте.

Аллагъны чыны савутлардагъы хазнасы

4 ¹Муна шо саялы биз, Аллагъ Оюзюню рагъмулугъундан озлеге шолай къуллукъну инанып тапшургъанлар, ругъдан тюшмейбиз. ²Биз илыкълыгъы себебли болуп яшырылгъан бары да ишлени гери урабыз. Ялгъан айтмайбыз ва Аллагъны каламын къалплашдырмайбыз. Терсине, Аллагъны алдында биз гъакъ гертиликни билдиребиз. Бизин инсанлардан яшырылгъан гъеч затыбыз ёкъ. ³Эгер биз билдиреген Сююнч Хабар яшырылгъан буса да, о оylumню ёлу булан барагъанлар учун яшырылгъан. ⁴Бу дюньяны аллагъы болгъан иблис имансызланы гъакъылы тунукълашдыргъан. Шоллукъда, олар Аллагъны келпети болгъан макътавлу Месигъни гъакъындагъы Сююнч Хабарны шавласын гёрмеге болмайлар. ⁵Биз озюбюзню гъакъыбызда туюл чю, Иса Месигъни Раббиз экенни гъакъында ва Иса учун сизин къуллукъчуларыгъыз экенибизни гъакъында билдиребиз. ⁶Неге туюл де: «Къарангылыкъдан ярыкъ берилме башлансын», – деген Аллагъ бизин юректерибизде ярыкъ берме башлады. Иса Месигъден таба О юректерибизни Оюзюню макътавлугъуна тюшонювню ярыгъы булан шавлаландырып къойду.

⁷Амма биз, шо хазнагъа ес болгъанлар, янгыз чыны савутларбыз. Шо саялы да шо оылчевсюз къудрат бизден туюл, Аллагъдан гелегени ачыкъ. ⁸Бизге бары да якълардан гюч этелер, амма бизин янчып болмайлар. Биз бек бузукъ гъалдабыз, буса да умутсуз туюлюбюз. ⁹Бизин гъызарлайлар, амма Аллагъ бизин ташламай. Биз сюрюнсек де, амма дагъылмайбыз. ¹⁰Исаны яшаву къаркъарабызда ачыкъ кюйде гёрюсюн учун, биз Ону оylumю даим озюбюзню къаркъарабызда алып юрюйбюз. ¹¹Исаны яшаву да бизин оylumге тарылагъан къаркъараларыбызда озюн гёрсетсин учун, бизин, савланы, даим О учун оylumге тарыталар. ¹²Бизде – оylum, сизде буса яшав гъаракат эте.

¹³Амма Сыйлы Язывларда озюню гъакъында: «Мен иман салдым ва шо саялы да сёйлеме башладым», – деп язылгъан бир йимик иманыбыз болгъан сонг, биз иман салабыз ва шо саялы да сёйлейбиз. ¹⁴Аллагъ Раббиз Исаны тургъузгъанны ва бизин де тургъузажакъны билебиз. Шо заман Аллагъ бизин сизин булан Оюзюню алдына салажакъ. ¹⁵Неге туюл де, бизин бары да къыйналывубуз сизин учун, Аллагъны рагъмусу кёп адамлагъа етишсин учун. Шо заман олар Аллагъгъа шюкюрлюк этежек, шону натижасында Ону макътавлугъу артажакъ.

¹⁶Муна шо саялы биз ругъдан тюшмейбиз. Къаркъарабыз дёне буса да, ругъубуз гюн сайын янгыра. ¹⁷Неге туюл де, бизин енгил, аз заманлыкъ къыйналывубуз бизге зор, даимлик, бизин къыйналывубуздан оылчевсюз артыкъ макътавлукъну гелтире. ¹⁸Биз гёрюнеген затлагъа туюл, гёрюнеген затлагъа гёз къаратабыз, неге туюл де бары да гёрюнеген затлар – заманлыкъ затлар, гёрюнегенлери буса – даимлик затлар.

Кёклердеги даимлик къаркъарабыз

5 ¹Биз шу затны билебиз: бизин дюньядагъы уюбюз, демек къаркъарабыз бузулгъанда, кёклерде башгъа уюбюз, демек даимлик къаркъарабыз болажакъ. Шо уйню инсанлар къурмагъан, Аллагъ къургъан. ²Гъалиге буса биз ачы кюйде агъ урабыз: кёклердеги шо даимлик къаркъарагъа къачан гирер экенбиз деп къаравуллап турабыз. ³Онда гирген сонг, биз дагъы ялангъач болмажакъбыз. ⁴Бу дюньядагъы къаркъарабыздан магърюм къалма сюегенибиз учун туюл, оylumге тарылгъан затны даимлик яшав ютсун деп, кёклердеги къаркъараны алма сюегенибиз учун. ⁵Аллагъ бизин шону учун яратды. Озю берген ваъдасын кютежеклигине О бизге юкге Оюзюню Ругъун берди.

⁶Шо саялы биз даим хошлубуз, дюньядагъы къаркъарабызда яшап турагъан чакъы, Раббизден йыракъда экенибизни билебиз. ⁷Дюньяда биз гёрегенибизге гёре туюл, иманыбызгъа гёре яшайбыз. ⁸Шо

саялы биз даим хошлубуз ва, кьаркьараларыбыздан чыгып, Раббиз булан бирче даимлик уюбюзде яшамакьны яхшы гьеребиз. ⁹ Биз Ону булан бусакь да яда дюньядагы кьаркьарабызда яшап тура бусакь да, бары да затдан артыкь Огьар ярама сюебиз. ¹⁰ Неге тьогюл де, бизге барыбызгьа да Месигьни алдында дуванда токьтамагьа тьошежек. Шо заман гьариси бу дюньядагы кьаркьараны ичинде яшагьанда этген яхшы ва яман ишлери учун тийишлисин алажакь.

Ярашывлукьну тапшуруву

¹¹ Биз Раббизден кьоркьагьаныбыз саялы, гьакь гертиликге инансын деп, инсанланы да мьокюр этме кьарайбыз. Биз ким экенибиз Аллагьгьа белгили, шо сизге де белгилидир деп умут этемен. ¹² Биз сизин алдыгьызда макьтанмагьа кьарамайбыз. Юрегини ичиндеги тьогюл, тышдан гььорнеген затлары булан макьтанмагьа кьарайгьан бир тайпалагьа жавап берип болсун деп, сизге бизин булан макьтанмагьа имканлыкь беребиз. ¹³ Эгер гьакьылдан тайышгьан бусакь – Аллагь учундур, сав гьакьыллы бусакь – сизин учундур. ¹⁴ Бизге Месигьни сюювю ёлбашчылыкь эте. Неге тьогюл де, бары да инсанлар учун бир Инсан оьлдю, шо саялы бары да инсанлар оьлдюлер деп токьташдырдыкь. ¹⁵ Яшайгьанлар оьзлер саялы тьогюл, оьлген ва оьлюмден тирилген Месигь саялы яшасын учун, Месигь бары да инсанлар учун оьлдю.

¹⁶ Энни биз биревню де инсан оьлчевлерине гьере таньмайбыз. Бир заманларда биз Месигьге де шо гььезден кьарай эдик, гьали буса кьарамайбыз. ¹⁷ Шо саялы ким Месигьге иман салгьан буса, о янгы яратывдур. Эсги затлар битди, бары да зат янгьыртылды! ¹⁸ Булар барысы да Аллагьдан. Месигьден таба О бизин Озью булан ярашдырды ва шо ярашывлукьну тапшурувун бизге берди. ¹⁹ Мен айтагьаным, инсанланы гьонагьларын оьзлеге кьаршы тутуп турмай, Аллагь Месигьден таба бары да инсанланы Озью булан ярашдырды. О бизге шо гьакьдагьы хабарны бары да ерде билдирме тапшурду. ²⁰ Биз Месигьни вакиллерибиз ва бизден таба Аллагь инсанлагьа чакьырыв эте. Шогьар гьере биз сизге Месигьни атындан ялбарып тилейбиз: Аллагь булан ярашыгьыз. ²¹ Месигьден таба бизин кьабул этмек учун, Аллагь гьонагь этмейген Месигьни бизин гьонагьларыбыз учун кьурбан этди.

6 ¹ Биз, Аллагь булан бирликде чалышагьанлар, сизге тилейбиз: сизге савгьат гьисапда берилген Аллагьны зор яхшылыкьы негьакь болуп кьалмасын. ² Аллагь Сыйлы Язывларда айтгьаны йимик:

Заманы гелгенде, Мен сени эшитдим ва кьутгьарылывну гьюнюнде сагьа кьемек этдим.

Гьали заманы гелди, кьутгьарылывну гьоню етишди.

Павел баждан гечирген кьыйынлыкьлар

³ Бирев де бизин кьуллукь этивюбюзге бетлев этип болмасын учун, биз биревге де тогьаслар салмайбыз. ⁴⁻⁵ Терсине, биз оьзюбюзню бары да затда Аллагьны кьуллукьчулары йимик гььрсетебиз. Кьыйынлыкьланы, тарчыкьлыкьны, балагьланы, токьсалавланы, тьунакьланы, башгьетеривлени, загьматланы, юхусуз гечелени, ачлыкьны чьыдамлы кюйде баждан гечиребиз. ⁶⁻⁷ Дагьы да таза юрек, англав, сабурлукь, рагьму, Аллагьны Ругьу ва таза сююв, Аллагьны кьудраты, гьакь гертиликни сьзю булан гььрсетебиз. Биз онг кьолубузгьа да, сол кьолубузгьа да муьминликни савутун тутабиз. ⁸ Биз намусгьа ва намуссузлукьгьа, бугьтангьа ва рагьмулу макьтавлукьгьа гьазирбиз. Бизин ялгьанчылар деп гьисаплайлар, биз буса гьакь юреклилербиз. ⁹ Бизин белгисиз деп гьисаплайлар, биз буса белгилибиз. Бизин оьлегенлер деп гьисаплайлар, биз буса яшап турабыз! Бизин такьсырлайлар, амма оьлтюрюп болмайлар. ¹⁰ Бизин пашман этелер, биз буса гьар заман сююнебиз. Биз ярлыбыз, амма кьеплени бай этебиз. Бизин бир затыбыз да ёкь, амма бары да зат бизинки!

¹¹ Гьей коринфлилер! Биз сизге бары да затны гьакьында ачыкьдан айтдыкь. Сизин алдыгьызда юреклерибизни ачдыкь. ¹² Биз чи сизин шолай сюебиз, амма сиз бизге юреклерибизни ачмайсыз. ¹³ Мен сизге авлетлериме йимик айтаман: бизге гьере болугьуз, бизге юреклерибизни ачыгьыз!

Гьакь Аллагьны ибадатханасы

¹⁴ Имансызлар булан бир арбагьа егилмегиз. Муьминликни яманлыкь булан ортакь ери болурму? Кьарангьлыкьны яркь булан ортакь ери болурму? ¹⁵ Месигьни де, иблисни де арасында разилешив болуп болурму? Иманлыны имансыз булан ортакь ери бармы? ¹⁶ Аллагьны ибадатханасыны ялгьан аллагьлар булан ортакь ери болурму? Биз гьакь Аллагьны ибадатханасыбыз. Бизин гьакьыбызда Аллагь Сыйлы Язывларда айтгьаны йимик:

Мен олар булан болажакьман ва оланы арасында юрюжескмен.

Мен оланы Аллагьы болажакьман, олар да Мени халкьым болажакь.

¹⁷ Сыйлы Язывланы башгьа еринде:

Шогьар гьере оланы арасындан чыгьып тайыгьыз ва олардан айрылыгьыз, – дей Раббиз.

Мурдар затлагьа бирине де тиймегиз, Мен де сизин кьабул этежескмен.

¹⁸ *Мен сизин Атагьыз болажакьман, сиз де Мени уланларым ва кьызларым болажакьсыз, – дей бары да затны Еси болгьан Раббиз.*

7¹ Сююмлю кърдашларым, Аллагъ бизге шолай вадалар этген болгъан сонг, гелигиз, къркъраларыбызны ва ругъбузну мурдар этеген бары да затдан тазалайыкъ, къркъръув булан оъзююзню Аллагъгъа тапшурайыкъ.

Павелни сююнчю

² Бизге юреклеригизни ачыгъыз! Биз биревню де хатирин кълдырмадыкъ, биревге де яманлыкъ этмедик, биревден де оъзююз учун пайда ахтармадыкъ. ³ Мен муну сизин айыпламакъ учун айтмайман, тюгюл, яшай бусакъ да, оъле бусакъ да, сиз бизин юреклерибиздесиз деп айтгъан эдим чи мен сизге. ⁴ Мен сизге бек инанаман ва сизин булан оъктем боламан! Магъа таман чакъы маслагъат этилген. Бары балагъларыбыз бар туруп да мен къуванчыкъдан толуман.

⁵ Македониягъа гелгенде, бизин гъеч рагъатлыгъыбыз болмады. Бизге бары да якъдан зулму этиле эди: айланада эришивлюклер, юреке къркъръунчлар. ⁶ Амма Аллагъ янчыгъанлагъа гъар заман маслагъат эте. Шо вакъти бизин яныбызгъа Титни гелмеклиги булан О бизге маслагъат этди. ⁷ Янгыз ону геливию булан тюгюл, сиз огъар маслагъат этгенлик булан да. О магъа сиз мени нечик сагъынагъаныгъызны, нечик бек къайгъыргъаныгъызны ва нечик къаст булан мени якълама белсенгенигизни хабарлады. Шо да мени бек сююндюрдю.

⁸ Мени кагъызым сизин къайгъыртды буса да, мен сизге шолай кагъыз язгъаныма гъёкюнчлюк этмеймен. Гъатта мен сизге язгъаныма гъёкюнген эдим, неге тюгюл мени кагъызларым сизин ончакъы узакъ заман къайгъыртмагъан эди. ⁹ Амма гъали мен сююнемен. Сиз къайгъыргъаныгъыз саялы тюгюл, къайгъыргъанлыгъыгъыз товба этивге гелтиргенге сююнемен. Шо къайгъы Аллагъдан гелди, шо саялы биз сизге бир зарал да гелтирмегенбиз! ¹⁰ Аллагъдан гелген къайгъырыв товба этивге гелтире, о да оъз гезигинде къутгъарылыгъа себеп бола ва гъёкюнчлюкге гъеч ер къоймай. Бу дюньяны къайгъырыву буса оълюмге элте. ¹¹ Аллагъдан гелген шо къайгъырыв не этгенге къарагъыз гъали! Нечакъы къасткъылыв, нечакъы геч деп тилевлер! Нечакъы къазапланыв, талчыкълар, ёлукъма гъасиретлик, айыплыны такъсыргъа тартма нечик къайнар гъасиретлик! Бу иште айыплы тюгюл экенигизни сиз толу кюйде аян этдигиз. ¹² Мен сизге шо кагъызны язгъан бусам да, яман иш этген гиши учун яда оъзюне яманлыкъ этилген гиши учун язмагъан эдим. Сиз бизин гъайыбызны этегенигизни Аллагъны алдында анлагъаныгъызны сюе эдим. ¹³ Шо бизге маслагъат болду!

Тек шо маслагъат булан да битип къалмай. Титни къуванчына биз кёп керенлер артыкъ сююндюк! Сиз барыгъыз да ону юрегине рагъатлыкъ

салдыгъыз чы дагъы. ¹⁴ Ону булангъы лакъырыбызда мен сизин макътадым ва шогъар бир де уялмайман. Биз сизин макътай туруп Титге айтгъан бары да затлар герти болуп чыкъды, шону булан бирге биз сизин гъакъыгъызда айтгъан бары да зат да. ¹⁵ Гъали буса Тит оъзюне сиз тынглайгъан кюююзню, нечик сиз оъзюне къркъръа, къартыллай туруп къабул этгенигизни эсге алагъанда, о гъакъ юрекден сизин яныгъызгъа багъып талпына. ¹⁶ Сизге аркъа таяма болагъаныма мен де сююнемен!

Исагъа иман салгъанланы чомартлыгъы

8¹ Кърдашларым, Исагъа иман салгъанланы Македониядагъы жы-йынларына Аллагъ нечик рагъму этгенни де сизге айтмагъа сюемен. ² Оъзлер къатты сынавагъа тюшюп тура буса да, кёп тарчыкълыгъына да къарамайлы, оланы уллу къуванчы дзусуз чомартлыгъында ачыкъ болду. ³ Олар болагъан чакъы бары да затын ва болагъанындан да артыкъны бергенине мен оъзюм шагъатлыкъ этемен. Оъзлер кёп сююп берди. ⁴ Оъзлеге Аллагъны халкъына къуллукъ этме рагъму болсун деп, олар бизге ялбарып тилей эдилер. ⁵ Олар шолай иш этер деп биз бир де къаравулламай эдик. Олар инг башлап оъзлени Раббизге, сонг буса, Аллагъны сюегенине гёре, бизге багъышлады. ⁶ Шогъар гёре биз Титге бу рагъмулу ишни башлагъаны йимик, сизин арагъызда да ахырына етишдирсин деп тиледик. ⁷ Сизде бары да зат артыкълыгъы булан бар: иманыгъыз, сёзге усталыгъыгъыз, билимигиз, къастыгъыз, бизге бакъгъан якъдагъы сюювюгюз. Шолай болгъан сонг, сиз бу рагъмулу иште де чомарт чыгъажакъсыз.

⁸ Мен сизге буйрукъ этмеймен, амма башгъалар этегенде йимик, адамлагъа бакъгъан сюювюгюзде сиз гъакъ юрекден чалышгъаныгъызны сюемен. ⁹ Раббиз Иса Месигъни рагъмусун сиз билесиз. О бай эди, амма Оъзюню ярлылыгъы саялы сиз бай болсун деп, О бизин учун ярлы болду.

¹⁰ Бу иште сизге этеген таклифим шудур: гетген йыл сиз янгыз берме сюегенликде биринчи болуп къалмадыгъыз, гъакъкъатда бергенликде де биринчи болуп чыкъдыгъыз. ¹¹ Гъали буса бу ишни хыялларыгъызда болгъан гъазирлик булан ва сизге имканлыкъларыгъыз береген даражада тамамлагъыз. ¹² Эгер де сизин шолай гъазирлигиз бар буса, Аллагъны ягъындан шо сизде ёкъ затгъа асасланып тюгюл, бар затгъа асасланып къабул этиле.

¹³ Мунда лакъыр, сизге авурлукъ да салып, мен биревлеге енгиллик этме сюегенлигимни гъакъында тюгюл, тенгликни гъакъында юрюле. ¹⁴ Гъалиги заманда сизин барлыгъыгъыз оланы тарчыкълыгъыны алдын алар, оъз вакътисинде оланы барлыгъы да сизин тарчыкълыгъыгъызны алдын алар. Муна шо заман тенглик болур. ¹⁵ Сыйлы Язывларда айтылгъаны йимик:

Кёню жыягъанны артыкъ заты болмагъан, азны жыягъанны да етишмейген заты болмагъан.

Титге ва ону ёлдашларына берилген тапшурув

¹⁶ Магъа йимик, Титге де сизин гъайыгъызны этмекни юрегине салгъаны учун, мен Аллагъгъа шюкюр этемен. ¹⁷ Тит сизин яныгъызгъа бизин тилевюбюзню янгыз сююнч булан къабул этгени саялы тююл, гённюлю кюйде ва оъзю сююп бара. ¹⁸ Ону булан бирге бирдагъы иман къардашыбызны да йиберебиз. Сююнч Хабарны билдиривде ону ишине Исагъа иман салгъанланы бары да жыйынлары яхшы къыймат берелер. ¹⁹ Ондан къайры да, бизин булан бармагъа ва садагъа акъчаланы етишдирмеге ону Исагъа иман салгъанланы жыйынлары сайлагъан. Шо къуллукъ этив Раббизге макътавлукъ гелтире ва бизин кёмек этмеге гъазирлигизни гёрсете. ²⁰ Тюшген садагъа акъчаланы пайлайгъаныбыз саялы, бизин айыпламагъа гъеч багъана табып болмасны къастын этебиз. ²¹ Янгыз Раббизни алдында тююл, инсанланы алдында да адилли иш гёрсетилсин деп гъаракат этебиз.

²² Сизин яныгъызгъа бирдагъы иман къардашыбызны йиберебиз. Биз ону къаст этегенине (о заманда да гъар тюрлю гъалларда) нече керенлер де мюкюр болгъан эдик. Гъали о дагъы да артыкъ къаст эте, неге тююл де о сизге бек инана. ²³ Титни айтсакъ, о сизин арагъызда мени иш ёлдашым ва къурдашым. Бизин оъзге иман къардашларыбыз да — Исагъа иман салгъанланы Месигъни макътавлугъун гелтиреген жыйынларыны вакиллери. ²⁴ Исагъа иман салгъанланы жыйынларына сизин булан оъктем болмагъа гъакъыбыз барны гёрсетмек учун, олагъа сюювюгюзню гёрсетигиз.

9 ¹ Аллагъны халкъына этилеген кёмекни гъакъында сизге язмагъа гъажатлыкъ ёкъдур. ² Кёмек этме сиз гъазир экенни мен билемен ва македониялыланы янында сизин булан макътанма да макътанаман. Агъаядагъылар шолай кёмек этмеге гетген йылокъ гъазир болгъанны ва сизин гъаракатыгъыз оланы да иш гёрмеге борчлу этгенни айтдым. ³ Биз сизин макътагъаныбыз бошуна гетмесин учун ва сиз гъакъыкъатда, мен айтгъан кюйде, кёмек этмеге гъазир болсун учун, яныгъызгъа иман къардашларыбызны йибердик. ⁴ Ёгъесе, эгер де македониялылардан ким буса да бирев бизин булан гелип, сизин гъазир тююл кюйде тапса, бизге илыкъма тюшер (сизин чи айтма да айтмайман), неге тююл де биз сизге инана эдик. ⁵ Мен иман къардашларыбызгъа, эртерек сизин яныгъызгъа гелип, сиз онгаргъан савгъатны алданокъ онгарсын деп тилеме токъташдым. Шо заман о макюр ёл булан тююл, гертиден де гённюлю кюйде этилген болажакъ.

«Кёп чачгъан кёп де алар»

⁶ Унутмагъыз: аз чачгъан аз алар, кёп чачгъан кёп де алар. ⁷ Гъар ким оъзюню юрегине гёре берсин, тек кантсыз ва гюч этивсюз. «Аллагъ сююне туруп берегенни сюе чи». ⁸ Оъзюню дазусуз даражадагъы яхшылыгъы булан Аллагъ сизге гъар заман бары да тарыкълы затны бермеге бола ва гъар яхшы иш учун мол имканлыгъыгъыз болажакъ. ⁹ Сыйлы Язывларда айтгъаны йимик:

О ярлылагъа чомарт кюйде уълеше, ону зувап ишлери гъар даим де давам этилежесек.

¹⁰ Чачывчугъа чачма урлукъ береген, инсанлагъа ашама аш береген Аллагъ сизин де байлыгъыгъызны кёп этер ва сизин зувап ишлеригизни тюшюмюн артдырар. ¹¹ Гъар-бир онгайлыкъ тюшгенде, чомартлыгъыгъызны гёрсетмек учун, сиз де бары якъдан бай болажакъсыз ва кёллер бизден алгъан савгъатлары учун Аллагъгъа шюкюрлюк этежеклер.

¹² Сизин ишигиз Аллагъны тарчыкълыкъдагъы халкъына кёмек эте ва Аллагъгъа бакъгъан якъдагъы шюкюрлюкню артдыра! ¹³ Гъакъ юрекден этеген къуллугъугъуз Месигъни гъакъындагъы Сююнч Хабаргъа тынглайгъаныгъызны гёрсете. Олар булангъы ва бары да къалгъанлар булангъы сизин ортакъ чомартлыгъыгъыз учун Аллагъ макътавгъа тарылажакъ. ¹⁴ Аллагъны сизге этген рагъмусу саялы олар сизин учун зор сююв булан дуа этежеклер. ¹⁵ Сёз булан айтма бажарылмайгъан даражадагъы савгъаты учун Аллагъгъа шюкюрлер болсун!

Павел оъзюню къуллукъ этивюн якълай

10 ¹ Мен, сизин булан болгъанда, тартынагъан ва сизден арекде болгъанда, тартынмайгъан Павел, Месигъникидей рагъму ва йымышакълыкъ булан сизге ялбараман. ² Тилеймен сизден: мен гелгенде, сизин бирлеригизге бакъгъан якъда мени бек къатты болма борчлу этмегиз. Шо бирлеригиз биз бу дюньягъа хас болгъан кюйде иш гёре деп гъисаплайлар. ³ Биз бу дюньяда яшайбыз, амма бу дюньядагъы адамлар йимик дав этмейбиз. ⁴⁻⁵ Биз бу дюньяны савуту булан тююл, Аллагъны къудратлы савуту булан дав этебиз. Шо савутну бекликлени де дагъытмагъа гючю бар. Биз Аллагъгъа тюшюнювге къаршы гётерилген гъакъылыны гыллачылыгъын ва уллу юреклиликни дагъытабыз. Месигъге таби этмек учун, биз гъар пикуруну есир этип алабыз. ⁶ Исагъа бакъгъан якъдагъы сизин тынглавлулугъуз толу болгъанда, гъар-бир тынглавсузлукъну такъсырламакъ учун, биз гъазир болуп турарбыз.

⁷ Сиз гъар-бир затны янгыз тыш янын гёз алгъа тутуп къарар чыгъарасыз. Эгер ким буса да бирев оъзю Месигъники экенине инана буса, биз де оъзонден бир де кем болмагъан кюйде Месигъники экенибизни

гъакъында ойлашып къарасын. ⁸Эгер де магъа гъакимлигибиз булан бир-бир макътанып йибермеге тюшсе де, мен бирдокъда илыкъмайман. Неге тюгюл де, бизге шо гъакимликни Раббиз берген — сизин бузмакъ учунгю тюгюл, беклешдирмек учунгю гъакимликни. ⁹Кагъызларым булан мен сизин къоркъутмагъа къарай деп ойлашмасын мени гъакъымда. ¹⁰Бир-биревлер: «Ону кагъызлары гючлю, бетге-бет ёлукъгъанда, гюч-сюз гёрюне, сёйлейген сёзлерини таъсири де аз», — деп сёйлейлер. ¹¹Шолай айтагъанлар билип къойсунлар: кагъызларыбызда нечик бусакъ, яныгъызгъа гелгенде, амалларыбызда да шолай болажакъбыз.

¹²Неге тюгюл де, биз озлени гёрсетип айланагъанлагъа ошама яда озюбюзню олар булан тенглешдирме болмайбыз. Олар озлеге озлени оылчевлери булан янаша туруп ва озлени озлер булан тенглешдире туруп, англавсуз болуп чыгъа. ¹³Биз буса тийишсиз даражада тюгюл, тийишли даражада макътанажакъбыз. Шо даража — Аллагъны бизге тапшурган ишлерини дазулары. Шо дазулары ичине сизин арагъызда этген ишлерибиз де гире. ¹⁴Биз сизин яныгъызгъа гелгенде, озюбюзге гёрсетилген дазулардан чыкъмайбыз. Биз буса сизин яныгъызгъа Месигъни гъакъындагъы Сююнч Хабар булан биринчилей гелгенбиз! ¹⁵Биз дазуларыбыздан тышда башгъалар этген иш булан макътанмайбыз. Амма биз сизин иманыгъыз артар деп ва Аллагъ бизге гёрсетген дазуларда арагъызда дагъы да уллу ишлени яшавгъа чыгъарып боларбыз деп умут этебиз.

¹⁶Шо заман биз Сююнч Хабарны билдирмек учун, башгъа вилайтларда иш гёрежекбиз. Шоллукъда, биз озгелер озлени дазуларыны ичинде этген ишлери булан макътанмажакъбыз. ¹⁷Сыйлы Язывларда: «Ким макътанма сюе буса, Раббизни этгени булан макътансын!» — деп язылган. ¹⁸Неге тюгюл де, оз-озюн макътайгъан адам тюгюл, озюн Раббиз макътайгъан адам разилик алып.

Павел ва ялган элчилер

11 ¹Сиз мени бираз гъайгевлюгоме сабурлукъ этме гъазирсиз ва биразгъа чыдарсыз деп умут этемен. ²Мен сизге гюнчюлюк этемен, бу гюнчюлюгом де Аллагъдан. Эргиши тиймеген таза къыздай турсун деп, мен сизин Месигъге ваъда этдим. ³Амма гыллачы йылан Гъаваны алдатгъанда йимик, Месигъге гъакъ юрегигизден ва таза кюйде багъышланмакълыгъыгъыздан гъакъылыгъыз тайышар деп къоркъамаман. ⁴Эгер де ким буса да бирев гелип, биз озюню гъакъында билдирмеген озге Исаны гъакъында, сиз къабул этмеген озге Ругъну гъакъында, сизге етишмеген озге хабарны гъакъында билдире буса, сиз шоланы къабул этме разисиз. ⁵Мени шо «уллу элчилерден» кем ерим бардыр деп ойлашмайман. ⁶Балики, мен сёйлемеге уста тюгюл бусам да ярай, амма мени билимим бар. Шону да биз сизге бары да затда тасдыкъ этип гёрсетдик.

⁷Балики де, мени гюнагъым, сизин оър этмек учун, озюмню тёбен салгъанымдадыр ва сизге Аллагъны Сююнч Хабарын гъакъсыз билдиргенимдедир? ⁸Мен Исагъа иман салгъанланы башгъа жыйынларын талай эдим, демек, сизге къуллукъ этмек учун, олардан акъчалар ала эдим. ⁹Сизин яныгъызда болуп, магъа гъеч зат тарыкълы болгъанда, мен сизин биригизге де ончакъы авур намус салмадым. Магъа тарыкълы гъар зат булан Македониядагъы иман къардашларыбыз кёмек этди. Мен бир затда да сизге намус салмагъа къарамадым ва энниден сонг да шолай этежекмен. ¹⁰Шону булан болагъан оъктемлигимни де — менде яшайгъан Месигъни гъакъ гертилиги булан инандырып айтаман — сав Агъаяда бирев де чыгъарып алмажакъ! ¹¹Неге? Неге тюгюл де, мен сизин суймейменми дагъы? Мен сизин нечик сюегенни Аллагъ Озью биле!

¹²Мен энниден сонг да гъали болгъунча этгенимни этип туражакъман. Тап бизин йимик Аллагъны ишин этебиз деп макътанма багъана излеп айланагъан адамлагъа мен шо багъананы тапма къоймасман. ¹³Шо адамлар — ялган элчилер, олар озлени амалларында ялганчылар. Олар Месигъни элчилери болуп гёрюнме къарай. ¹⁴Шо онча тамаша иш де тюгюл! Неге тюгюл де, иблис озю нюрню малайиги болуп гёрюнмеге айлана. ¹⁵Олай болгъанда, иблисни къуллукъчулары муъминликни къуллукъчулары болуп гёрюнмеге айланагъанына тамашалыкъ этмеге де тюшмей. Ахырда чы олар этген амалларына гёре тийишлисин алажакълар.

Павелни азап чегиво

¹⁶Мен бирдагъы да такрарлама сюемен: мени бир гъайгев деп гъисап этмегиз! Амма шолай эте болгъан сонг, шо мен гъайгевге бирдагъы керен де макътанмагъа изну беригиз. ¹⁷Бу макътанывну, озокъда, Раббиз суймей. Бу макътанывгъа байлавлу болуп, мен гъайгев йимик сёйлежекмен. ¹⁸Бу дюньяны адамлары этегенде йимик, кёплер макътанма ярай деп гъисаплай болгъан сонг, мен де макътанып къарайым. ¹⁹Шолай сиз, озюгюню гъакъыллы деп гъисаплайгъанлар, гъайгевлеге де кёп сююп тынглайсыз чы! ²⁰Сиз озюгюню къулагъа айландырагъанлагъа, озюгюз булан пайдаланагъанлагъа, сизин къувуп айланагъанлагъа, сизден озлени оър салагъанлагъа ва якъларыгъызны къыздырагъанлагъа чыдап турасыз. ²¹Нечакъы илыкъсам да айтып къояйым: бу ерде биз, гёрюнюп турагъаны йимик, гючсюз болуп чыкъдыкъ!

Амма башгъалар тартынмайлы макътанагъан зат булан мен де тартынмайлы макътанмагъа боламан (шону да мен гъайгевлюгомден сёйлеймен). ²²Олар ягъудилерми? Мен де дюрмен! Олар исрайыллылармы? Мен де дюрмен! Олар Ибрагъимни наслуларымы? Мен де дюрмен! ²³Олар Месигъни къуллукъчуларымы? Мен Месигъге олардан эсе артыкъ къуллукъ этемен (шолай айтмакъ авлиялыкъ буса да)! Мен артыкъ

кыйын төкгенмен, мен туснакларда артык болганман, мени артык яман токчалаган, мен көп керенлер оюло гылында болганман. ²⁴Ягудилер магъа беш гезик отуз тогузар керен камучу булан урдулар. ²⁵Уч керен мени таяклар булан туюдулар. Бир керен таш урушга тутдулар. Мен уч керен гемени дагытылывуна туюдум. Бир керен сав гече ва сав гон денгизде калдым. ²⁶Мен даим юрюше турдум. Сув балагны, качакъланы, оз халкымны, ят халкъланы ва ялган кярдашларымны себинден кюркюнчлукъга тарыдым. Мен шагярда, дангылда ва денгизде кюркюнчлу гылаага туюдум. ²⁷Мен галсыз болгунча ишлеп ва загмат тегюп турдум. Нечесе керенлер юхусуз калдым. Мен ач калдым, сувсабымдан янып турдум, көп керенлер рызкысыз турдум. Исси гийинме имканлыгым болмай, сувуклукъ не экенни билдим. ²⁸Булардан кыйры да, Исагъа иман салганланы бары да жыйынларыны гяр гюнюк кыйгысы магъа ялыкъ бермей. ²⁹Биревлер гюсюз бола, мен гюсюз болмайманмы дагы? Биревлер гюнагъ ёлуна туюше буса, мен де кзапланмай боламанмы дагы?

³⁰Эгер магъа макътанмагъа туюше, гюсюзлюгюмню гөрсетеген затлар булан макътанажакъман. ³¹Раббибиз Исаны Атасы болган Аллагъ мен ялган айтмайганны биле. Огъар гяр даим макътавлар болсун! ³²Шамда Арета пачаны гакими, мени шагярдан чыгып гетме кыймай, тутуп туснакъ этсин деп, шагярны кюршавга алмагъа буйрукъ берген эди. ³³Амма мени барудагы терезеден таба четен булан туюпге туюшюрдулар, мен де муна шолай кутулдум!

Гыйран гөрюнюшлер ва вагыйлер

12 ¹Макътанма туюшуп кала, шондан бир пайда да ёкъ буса да. Раббизден гелеген гыйран гөрюнюшлени ва вагыйлени гакында айтайым. ²Исагъа иман салаган бир адамны танийман. Он дөрт йыл алда о учюнчю кёкте гөтерилген эди. О кяркьарасындамы эди яда кяркьарасындан тышдамы эди, мен билмеймен, Аллагъ буса биле. ³Шо адам кяркьарасындамы яда кяркьарасындан тышдамы, билмеймен, Аллагъ биле, ⁴женнетде болганын билемен. Онда адамга билдирме ярамайган, авуз булан айтма бажарылмайган зор сөзлер эшитген. ⁵Муна шулай адам булан мен макътанарман. Оюзю булан чы макътанмасман, янгыз гюсюзлюгюм булан макътанып йиберсем билмеймен. ⁶Гытта мен макътанмагъа сюсем де, гыйгев йимик сөйлемес эдим, неге туюл мен гакъ затны айтарман. Тек биригиз де менден эшитгенигизден яда мени этегенимден бир де артык ойлашмасын учун, мен шону этмесмен.

⁷Аллагъ магъа шолай гыйран затланы гөрсетди чи! Мен де оьктем болуп айланмасын деп, магъа Аллагъ кяркьарама чанчыла тураган тегенекни — иблисни кьулун берди. Мен оьктем болуп айланмасын деп,

о мени инжитип турду. ⁸Шону чыгъарып тайдырсын деп, мен Раббизге уч керен тиледим. ⁹Амма О магъа: «Сагъа янгыз Мени рагъмум гекер. Сени гюсюзлюгюнде Мени гюсюм гөрюсюн», — деп жавап берди. Шо саялы, Месигъни кудраты менде болсун учун, оюзюмню гюсюзлюгюм булан шолай сююнюп макътанаман. ¹⁰Месигъни хатири учун мен гюсюзлюгюме, мысгыллавага, башыма туюшген балагъа, гызарлавага ва кыйынлыкълага рази болуп каламан, неге туюл мен гюсюз болганда, гючлю боламан.

Павелни Коринфде Исагъа иман салганланы гакындагы кыйгысы

¹¹Мен гыйгевлюк этдим, амма мени шолай этмеге сиз борчлу этдигиз. Мени сиз оюзюз макътамагъа гекер эдигиз, неге туюл мен бир зат да туюл бусам да, мен шо «уллу элчилерден» геч яман туюлмен чи. ¹²Мен элчи экенни гөрсетеген муьжизатланы, аламанланы ва гыйран ишлени кёбюсю сизин арагызда уллу чыдамлыкъ булан этиле эди. ¹³Исагъа иман салганланы башга жыйынлары булан тенгешдиргенде, сизге не зат аз туюду дагы? Янгыз сизге намус салмагъаныммы? Шо саялы менден гечип кююгуз!

¹⁴Мен сизин яныгызга учюнчю керен гелмеге гызирленемен. Сизге авур намус салмасман. Магъа малыгыз-мюлюкюз туюл, сиз оюзюз тарыксыз. Ата-анасы учун акъчаны авлетлери жыймай, авлетлери учун ата-анасы жья. ¹⁵Шогъар гөре сизин хатиригиз учун мен сизге бары да затны, гытта оюзюмню де бермеге гызирмен. Эгер де мен сизин көп сюе болган сонг, неге дагы сиз мени аз сюесиз? ¹⁶Мен устюзюге намус салмагъанлыгым булан сиз разисиз. Сайки, гыллачылыгым булан оюзюме пайда учун сизин алдатганман дагы. ¹⁷Балики, мен сизин яныгызга йиберген адамлардан таба оюзюме пайда ахтарып айланганманмы экен? ¹⁸Мен Титге сизин яныгызга бармакны тилеп, ону булан бирче бирдагы бир иман кярдашыбызны йибердим. Балики, Тит оьзге пайда ахтарып айланганмы экен? Биз оюзюзю де шолай этмейми эдик дагы, шо гыздан чыкмай юрюмейми эдик дагы?

¹⁹Балики, алдыгызда оюзюзюню токътавсуз якълайбыз деп ойлашасыздыр. Амма Аллагъны алдында сизге Месигъ булан бирликде сөйлөйбиз. Сююмлю кярдашларыбыз, биз этеген чакъы бары да затыбыз сизин беклешдирмек учундур. ²⁰Сизин яныгызга гелген заманда, сиз мен сюеген кюйде болмай табулмагъай эдигиз, мен де сиз сюеген кюйде болмай табулмагъай эдим деп кюркьаман. Сизин арагызда мен эришивлюклер, гюнчюлюк, оьчлюк, кяршы турувлар, бугъанчылыкъ, айтды-кыйтдулар, оьктемлик ва пакарсызлыкъ булан раслашмагъай эдим деп кюркьаман. ²¹Сизин яныгызга гелген заманда, Аллагъ

мени илыкдырмагъай эди деп къоркъаман. Гюнагъ иш этгенлени кёплери озлени зиналыгъы, пасат юрюшю, напсына ёл къоягъанлыгъы учун товба этмегенин билгенде, магъа яс этмеге тюшежек.

Ахыргъы бுவарывлар

13 ¹Бу мени сизин яныгъызгъа уьчюнчулей геливюм. Сыйлы Язывларда: «Бары да масъалалар эки яда уьч шагъатны ортакъчылыгъы булан гертиленмеге герек», – деп язылгъан. ²Экинчи керен гелгенде, мен сизге бுவаргъан эдим. Гюнагъ иш этгенлеге барысына да ва бары да башгъалагъа шону гъали де, сизден йыракъда турагъанда, такрарлайман: бу гезик мен сизин къызгъанмажакъман. ³Сиз Месигъ менден таба сёйлейгенликге далиллер ахтарасыз чы. Сизин учун Месигъ къудратсыз тюгюл, О Оьзюню уллу къудратын сизин арагъызда гёрсете! ⁴Месигъни, гертиден де, гючсюз вакътисинде хачгъа илди, амма О Аллагъны къудраты булан яшай. Биз де Месигъ булан гючсюзбюз. Амма Ону булан бирликде яшайгъаныбызны себебинден арагъызда Аллагъны къудратын гёрсетежекбиз.

⁵Оьзюгюзге шулай сорав берип къарагъыз: гъали де сизин иманыгъыз гертими экен? Оьзюгюзню сынап къарагъыз. Иса Месигъ сизин ичигизде яшайгъанны билмеймисиз? Озокъда, билесиз, эгер де сынавдан оьтген бусагъыз. ⁶Биз шо сынавдан оьтенибизни сиз гёрежекге мен инанаман. ⁷Амма биз, сиз гьеч бир яманлыкъ этип къоймасын деп, Аллагъга дуа этебиз. Шону биз бирдокъда сынавдан уьстюнюлю чыкъгъаныбызны гёрсетмек учун да этмейбиз. Гъатта биз «уьстюнсюз болуп» гёрюнюп къалсакъ да, янгыз сизин тюз кюйде иш гёреген болгъаныгъыз герек! ⁸Гъакъ гертиликге къаршы биз бир зат да этип болмайбыз. Биз этеген чакъы бары да зат гъакъ гертилик учундур. ⁹Биз гючсюз болуп, сиз буса гючлю болгъанда, сююнебиз. Сиз де камилликге етишсин деп, дуа этебиз. ¹⁰Шо саялы да сизин яныгъызгъа гелгенде, къатты кюйде иш гёрме ва гъакимликни къоллама тюшмесин учун, мен йыракъдан язаман. Шо гъакимликни Раббибиз магъа бузув учун тюгюл, яратыв учун берди.

Ахыргъы саламлар

¹¹Ахырда да, къардашларым, къуванып къалыгъыз, камилликге етишмеге къаст этигиз, бир-биригизни гёнгюгюзню алыгъыз, бир гъасилге гелигиз, парахатлыкъда яшап къалыгъыз. Шо заман сююв ва парахатлыкъ гелтиреген Аллагъ сизин булан болур! ¹²Бир-биригиз булан къардашлар йимик къысып къучакълашып саламлашыгъыз. Аллагъны бары да халкъы сизге саламлар йибере.

¹³Раббибиз Иса Месигъни рагъмусу, Аллагъны сюювю ва Аллагъны Ругъундагъы къатнашыв сизин барыгъыз да булан болсун.